

易

簡

齋

詩

鈔

易簡齋詩鈔卷三

蒙古 額爾德特和瑛 太莽

辛酉

濟南珍珠泉恭和

高宗純皇帝御製詩元韻

碑在撫署泉上

乾坤氣交暢七二名泉潛茲泉悟水因活活如意珠濁流不可求澄淵乃見夫濟源伏千里勃發平原區俯瞰鰲底瀾咳唾成江湖晴波皺雨點乍密旋乍疎疑迸泣鮫淚時將眠驪鬚去來

等泡影萬斛空相於山澤氣固通靈沼窺其餘
蒼生霖雨望曾臣盍鑒諸

仁祖著堯典

康熙中
作霖二字於泉上

御題

純宗垂禹謨寶賢賤珠玉耕穫勤菑畲還浦神
乃爾剖身愚蔑如再拜

聖言下千古戒首濡

登城望千佛山

我轉千佛來名山緣不淺歷下古名區二東茲
冠冕

舜耕歷
山卽此

俯瞰濯纓湖涵空地鏡衍回首琉

璃界更覺塵襟遣人生幾刹那遇風一息喘雪
嶠旣闔闔海隅又青兗我本法無法誠者微之
顯乃知卽心偈以一成千轉

珍珠泉上玩雪四首

何事樓臺起煙雲匝碧潯作霖垂

聖藻似水鑒臣心惠子魚知樂潛僧竹可吟

泉旁

翠竹名吟
碧山房

一肩民社任曷以答

高深

水澤能甘節均叨潤物功不冰知地煖得雪兆

年豐詩思祛塵外民依挾纊中一隅歌飯甕
睿慮萬方同

富貴何嘗幻書生冷最腴天山曾刻玉泉石更
量珠萬斛清還浦千重彩徹壺願從瀛海上錯
落網珊瑚

靈谷分靈雨題成白鳳池桔槔天地妙呼吸鬼
神知翰墨遊將老宮牆仰在茲假年慚學易更
欲乞靈著

壬戌

登岱

天地氣交山澤通山獨名泰爲岳宗左浮右拍
涵眾象伯仲崑崙低華嵩醫巫閭脈跨海底主
宰生氣轉鴻濛經曰萬物出乎震艮實成始而
成終我遊羲圖極否地冰梯萬仞摩蒼穹抽身
已度化城裏放眼今越扶桑東黃河一綫渺金
沙清汶百折流玉虹世人登岱盡皮相絕頂那
覺凌罡風乃知山川奠禹力大陸旣作稱茲雄
虞周時巡紀典頌肅肅瞻拜青帝宮碧霞玉女

漫深考祈求霖雨宣元功萬仙千佛盡烏有七
十二代封臺空獨存摩崖字如掌龍蛇點綴驚
神工稽古帝王戒盈滿開元此遊誇郅隆珠玉
錦繡焚殿角樂舞象馬遷洛中不如秦皇無字
石口碑付之千載公

泰山雜詠

漢柏

漢代乾封處曾栽柏數株輪臺頒詔後王母再
來無

唐槐

夢似槐安國披離古意多不知西梵柳唐史頌
如何

飛來石

南海飛靈杵降魔已見猜此山誰說法頑石點
頭來

五大夫松

海上迎仙日孤松拜爵優若論功德懋古檜早
應侯

無字碑

逐客忙何事豐碑篆未遑邊城多少字萬里海
天長

泰安試院七柏一松歌用少陵古柏行韻
徂徠之松新甫柏堅貞性質如磐石樹人樹木
百十年霜根合近量才尺夭矯一松龍鱗老七
柏森森凡幾白冠者六七侍師儒樹猶如此堪
珍惜憶我出守皖江東丹陽振鐸興黌宮庭有
參天柏千本翠螺松濤響半空繞屋盤桓剛半

載後凋知耐歲寒風桃李公門世豈少獨此喜
同造士功海岱英才蓄良棟宿老匠成品題重
文章不朽德不孤門前立雪座上春風送吁嗟
太平泰安兩遇奇鷹鷂信不如鸞鳳良材得地
快成林髦士通經果足用

和沈舫西太守登岱元韻二首

自飲中原水胸無萬仞山寸心皆佛界絕頂亦
塵寰民務絲千縷官聲豹一斑黃堂能了事半
日且偷閒

萬壑松風靜輕兒曲曲安苦吟慚畏杜默禱愧
希韓仙跡人閒古神靈達者觀天門欣有路呼
吸白雲端

金絲堂聽樂

宅壁無人壞何緣出古經金絲誰作響笙磬我
來聽一洗囂塵耳能通覺性靈試尋夫子甕千
古夢魂醒

恭謁

聖林

泗水西移岸洙河北問津崇封通古道靈草示
迷人地軸天根壯龍蟠虎踞真秦松與漢柏難
得並長春

謁顏子廟

古廟環蒼柏巍巍近聖尊步亭思樂事窺井見
心源不遠經名復無違聖與言至今題陋巷俗
眼見朱門

題南池杜子美像

名士風流那獨詩南樓纔過又南池一生憂喜

關君國地以人傳草木知

望太白樓

濟寧城上

海上釣鼉豪乃爾江邊捉月興何如觀瀾亭畔
今宵夢怕聽相如賦子虛

宿黃河隄上

最喜西門豹能消河伯災一巫方骨沒三老已
心灰水勢金隄穩官聲鐵柱推治河今古策無
取白圭才

雨中耕藉禮成誌喜

藉圃祈年肅東耕月正三陌頭青幕會空際黑
雲曇嘉樹彌天潤婪春匝地甘煙籠千井暗膏
沃一犁酣霽霖神爲咒霑塗我正諳莫愁牛背
洗自信馬鬣涵吉亥優而渥田庚樂且耽爭看
淋雨鶴衣瓦尚知慚

丁方軒使饋海鰕

雙檣十丈傳聞駭負介昂藏戰渤澥世上縱有
釣鼇手虹線月鉤定難給此蝦鉸鼻活盈尺公
從何處張網待灤源城裏市蠶花謝豹聲中詫

奇彩入場乍看琉璃赤對對盤蝸背折鎧誰家
爽妙頡羹王清腴純潔欺霜蟹我苦羶根駢駘
俗東海晶鹽隔十載蒲笋飮盤已足豪况試瓊
膏藏府改君不見客遊三島長鬚國龍宮月料
供每每駢頭佐饌秉天符鐵鑊乞憐宥烹宰愧
予不省懸枯魚口腹一言百十醢登庖幸非左
顧蛤要使詩腸潤滄海

五月朔東郊觀麥泛大明湖燕集小滄浪
用東坡遷魚西湖詩韻

三春膏雨不破塊麥秀昂頭粒綻背黃雲匝地
抵黃金况有湖山作襟帶行郊萬戶樂且都主
人作意饗魚膾水面筍廚競遙指蘆灣曲曲琉
璃碎那須腰笏挽易于划得閒船弄清籟座上
高吟六快活半日偷閒愧典外自古陰陽與政
通五竺三山同茲會百年今到滄浪洲始信鐵
船能渡海

喜吟碧山房竹勝往年次吳蠡濤方伯韻
宜晴宜雨下疎簾無暑清涼氣自嚴雲石藏來

觀止良珠泉穿處見流謙參禪客伴榮枯脫肉
食人醫瘦俗兼抽玉年年無翦伐寒梅花放好
巡檐

廬鳳珠觀察寄到靈璧石磬廿四片喜而

賦詩

大雅鎮可作古調裁斯辰皇皇起金奏泠泠諧
玉振無取華原石求諸泗水濱墨玉鑑毛髮浮
石良足珍磬氏度材美相彼句倨真鼓博去參
分旁端摩六均方函廿四具設簾煥縣陳地靈

發天籟未許秘璘玢
厯下戀光政戛月敲冰
新練響達清越依聲和
繹純我心藏古器宣風
期化人猥俗清其耳大
樂遇以神成物夷則宮
瀛岱惴曾臣開窗一理
架音調乃知民

夜雨書懷用蠡濤西園夜月韻

夕覽平泉月涵虛無盡
燈波明珠點點藻暗翠
層層宿鳥嚶求友游魚
快得朋三農歡未已十
雨信堪憑乍覺囂塵洗
全銷烈暑蒸自朝神觀
拜薄暮岱雲升屋頂喧
初寂檐牙溜若簷豈勞

僧咒鉢卻禁沼施罾破夢心符熟敲詩腹稿澄
覺花欹壓枕夜氣淨含冰禪學拳頭識官慚鐺
腳稱蚊雷涼處歇蠅陣熱時憎涸鮒羣遊釜哀
鴻遠避矰詩歌懷杜甫溫飽戒王曾

題濟南太守德屋圃寒香課子圖

渤海名門古道寒一經佳處雨儒冠松篁蔭繪
屏山客翰墨香餘閭苑官作笑不忘孺子慕移
中還卜此心丹低徊老鳳將雛日淚灑梅花展
卷看

題屋圃五峯禱雨圖用東坡張龍公詩韻
我聞潭中叟聽經得聞來三春封江湖吸硯爲
公開邨童爭擊甕豈無術士陪刑鷺固下策喫
酒傾空罍厥惟束先生靈感東五臺神閔東海
守百里沒腳埃冉冉檀煙中淋淋油蓋回以誠
不以法太守真賢哉遂歌麥有秋濟兗達青菜
白衣執公手臥夢披圖猜

序榮性堂詩集蠡濤以詩謝次韻

菩提樹養百年榮四印提來萬卷輕火覆觀心

應有象水因悟道卻聞聲笙簧自任通儒墨酒
醴無緣縛性靈繡佛長齋君悟早象濤一號曇繡不齋
一日總虛明

題鍾馗畫扇次吳巢松公子韻

世傳鍾葵厭朱紫道子寫真工幻此胡爲虛耗
除人閒金鼓餅花命鬼侍黼黻齧齧愁似笑未
許精靈沈窈窕季英才筆語驚人書扇鬼應泣
蒼昊沃盆持弩夫何讐劫劫相纏三摩修撚鬚
拄笏漫回首陰崖夜壑空啾啾我怪猛虎飽山

陬倭鬼攫人如勾矛鬼能餌人又啖鬼辟邪定
爲羣鬼羞食人食鬼兩無益如賊化民民化賊
滌瑕蕩穢德勝妖地下鬼王少顏色

飛蝗行

貪苛致蠱妖犯法螟螣逞雖有不爲災麟筆猶
書眚殘孽東北來黃雲駛高迴絕背西南域切
夢憂耿耿驚傳齊魯閒平原岱麓併脣齒竟波
及土偶嘲桃梗彌天鳳皇食鸚鵡一飽騁薄翼
空飛灑有如旁不肯刼來隴畝集纍纍綴禾穎

婦子夜悲號田庚忙帚挺奇哉簸鍾王辟穀戢
千井箝口信宿羣一鼓颺如綆化墮三義島長
鬚供鑊鼎乃知剗蝨賊神力將軍猛緬彼趙青
州退飛不落境亦有魯中牟三異詫巡省寄語
賢守令識人蝗足警何當毘耶靈驅蜂遍秦嶺

月令詩

落職西役
途中雜詠

鴻雁來

霜信能先覺西循七宿回喜無矰繳避那用荻
蘆猜羊祜江邊宿蘇卿海上來隴坻圍解未翹

竚別書開

元鳥歸

八月司分鳥歸飛客思齊音書憑遠達肥汁肯
羣棲渡海愁雲路辭山帶雪泥舊巢春色好樂
住莫嫌低

羣鳥養羞

剝啄忙微雨巡簷爲養羞生無鸞鳳志巧作稻
梁謀穴裏僵蟲聚巢邊粃覈收禦冬欣一飽風
雪費綢繆

水始涸

一氣元消長秋遲涸水涯海潮初達岸江漲漸
沈沙白小黏池塊紅丁落野槎莫愁膏澤盡泉
動應飛葭

鞠有黃華

百草俱腓日亭亭菊放黃延齡堪作客正色獨
凌霜止酒畱仙骨顛茶助冷香世閒苦如意甘
谷一齋芳

豺乃祭獸

肆獸山閒祭豺知報本心方鋪殊水獺肅殺應
秋金何處亡羊易居然獻鹿忱但無當道害狐
兔任渠擒

草木黃落

草木毓靈性繁華應候收沙明千里月風靜萬
林秋會得榮枯轉當從剝復求三陽萌動日生
意故根畱

雉入大水爲蜃

翟禽舒藻繪仙蜃應珠胎離坎交時見飛潛變

處猜彰身憐錦繡吐氣幻樓臺不作沈淪想凌
空志未灰

題印川和尚小照

山西洪洞縣寺

何事拈花笑無香得上乘萬川同我照印可是
儒僧

讀管韞山侍御遺稿二首

有序

管韞山侍御諱世銘知名日下久三屈
副車予戊子北闈同年也辛卯予成進
士分農曹而韞山亦以戊戌進士爲戶

部郎同事九年取人巨眼無乖崖氣讀
書得閒無穿鑿語自丙午別十七霜而
韞山宿草已四白矣壬戌小春予西役
道出咸陽莊虛菴同年長嗣達吉贈予
韞山詩文全集予愀然曰虛菴有序予
烏得無言爰綴以詩

白首文壇將青氊戶部郎炊經脫粟飽酌句漱
醪香面隔艱尋夢心盟易斷腸公才過公望遺
稿爲神傷

琢腎雕肝手如椽筆獨能茗柯人競許蓬豔子
羞稱不重分金友尤輕割席朋一生真抱負畱
取伴青燈

渡涇河

合渭泥論斗難言爾獨清笄頭真面目終古得
分明

經古浪峽

赤古紆冰峽人煙古浪稀忽傳城市裏飯熟午
雞微

長至日宿水泉堡

最喜天心復陽和動水泉生生乾不已
兢兢震無邊碩果終難剝匏瓜非久懸
伍喬星氣朗端合照義編

甘州歌

朔風澤浹霜天高弱水凍澀流沙焦
行人到此縮如蝟況復西指瀚海遙
老我崛強興不淺夜半起舞聽雞號
欲寫胸中磊塊氣挑檠炙硯濡冰毫
古稱秦折天下脊張茲臂掖傳嫖姚
我

朝幅幘邁往古拓疆二萬

神武昭刪丹合黎今內腹削平版土蘇鰈燒五

十二渠盡沃壤南蕃北部無喧囂斯民衽席奠

厥始屈指旗常輝斗杓聚米坪前孟心亭埽除

賀逆如燁毛

順治二年賀錦據甘州總督孟喬芳討平之喬芳字心亭聚米坪在

平涼馬援聚米爲山

次者喀喇巴圖魯蜚熊更

奚八捆輶

康熙四年青海蒙古乞大草灘爲牧地副將王進寶持不可謂大草灘甘

涼扼要若與之藩籬撤矣乃白軍門靖逆侯張勇遂乘八捆車奚往止之蒙古乃退進寶面黑

軍中號爲喀喇巴圖魯勇字蜚熊

草灘以北無柵帳黑河青海

沈波濤嘻吁乎祁連東下數千里終南直達川
楚交軍容十萬勞七載三帥齊名凌煙標愧予
不能持寸鐵八聲甘州歌刁刁更聞屯圖能代
夢伊吾策馬鳴蕭蕭

出嘉峪關

白日寒煙重雄關黑水西天倉真地寶禹績限
羌氏

戈壁道上載水

千里行軍匣養魚壺漿那管萬人虛閒情更著

名泉譜爭識西來一勺無

戈壁喜雪

西母嶸山雪平鋪瀚海遙
吻疑嘗醴潤渴似望梅消
風味欺陶穀詩情勝灞橋
自憐冰氏子肯向冶鑪招

宿安西贈胡雪齋刺史

雄鎮大灣頭鳴沙第一州
月氏秦漢蹟疏勒古今流
地水堪容眾天山列建侯
西陲靖戎馬那用帶吳鉤

哈密度歲簡胡雪齋

驛路七千二年華六十三伊吾除舊歲葉爾稅

征驂

適奉 恩命大 葉爾羌辦事

戎俗春光鬧勞人夜夢酣

五更羊胛熟爆竹聽何堪

癸亥

鴨子泉和常中丞原韻

有序

哈密西驛館壁懸墨搨詩一首乃乾隆

壬戌大中丞常鈞官敦煌觀察時所題

也其詩云曾奏南薰解 舜顏敦煌祠

廟白雲閒靈旗影裏銅烏靜社鼓聲中
鐵馬閒萬里平沙開瀚海一屏晴雪瑩
天山高城月落飛羌笛又見春光度玉
關遂次其韻

祁連截業駐冰顏詩版遙摹霄漢閒驛客停驂
弦月皎羌兒叱犢成樓閒不觀海市遊沙市

外關

平沙無極凌晨黃青二氣漫空纔別金山到玉
山衛藏山多產金予六十年來風景換陽春萬

辛酉秋七月還都

里出陽關

風戈壁吟

自梧桐窩十三間房至齊克滕木台四百餘里春夏間多怪風

大塊有噫氣一息千里通巽五撓萬物折丹神
居東風穴地軸裂風門天關衝奇哉風戈壁勃
發乾兌沖當夫初起時黑靄蟠虬龍焚輪瞬息
至萬騎奔長空石飛輕於絮輜重飄若蓬靈駝
識猛烈一吹無停從我度瀚海來屈指輪臺中
忽傳伊吾廬朵雲下郵筒

恩命撫安軍兼馭于闐戎泥首天山陽

聖慈感忻懜改轍土番道行李戒僕僮嫌燒絕

滴水漱我涪泉豐雪瘴凌氣海鼓我泰芥充天
罡不可敵默禱馮夷公叵料驅車日太清無纖
蒙野寮星月朗白鳳棲梧桐支炷不暇炊忍飢
駃騠驄坐生已度想闢展變春融乃知廣莫候
太乙叫螯宮履道獲坦坦無乃憐吾窮原筮西
南利努力往有功蜚廉不我戲此意感蒼穹

小歇土魯番城

戰績侯姜說有唐西州名改舊高昌而今莫問
童謠識日月長年照雪霜

題路旁于闐大玉

有序

喀喇沙爾東一百八十里烏沙克搭拉
軍台路旁有大玉三大者重萬觔青色
次者重八千觔蔥白色小者重三千觔
白色置於地台弁云此玉運自葉爾羌
西將以入 貢嘉慶四年二月奉

旨截畱毋庸呈進今四輪車亦毀於此
恭紀五律二首

詔棄于闐玉埋輪蔓草蕪來從西旅道採自屬

賓隅駕鼓勞天馬投淵卻海珠何如此頑石罷
役萬民蘇

不刻摩崖字光明

帝德昭瑞同麟在野喜見鵲來巢崑璞依然古
羌戎逃矣朝鬼神牢守護莫任斧斤招

度海都河冰橋

喀喇沙爾城西

天造輿梁穩春冰迨未開

時正月廿八日雨水

馬騰銀漢

上人駕玉虹來濡尾狐猶聽潛波魚尚猜雨驂
忙叱馭快似輾輕雷

宿庫車城

萬里龜茲國千層佛洞山壁經唐代古

佛洞中有觀音

大士像壁刻漢楷輪迴經一部相傳唐人所為

城壘漢時殘

城東十里

時屯兵處

土甲榮奇木

回語奇木廣大也故其

田庚

徙情蘭

情蘭回人別種專為苗長養鷹鷄者今徙居此

天西無警燧那

獨柳陳安

渡渾巴什河

阿克蘇城南

地泝長虹渚天開冷玉峯穆蘇融向日

源出穆蘇爾達

巴羅卜暗朝宗

河歸羅卜淖爾

一水今如席三軍昔若

龍乾隆年大鑿冰千萬仞懸渡正嚴冬冬月諸將由伊
犂南越
冰山

葉爾羌城

羌城古塔綠陰屯塔高二十餘丈名蹟曾探和卓園署節

乃回酋大和卓木舊居百戰風霜沈義塚城東五十里官兵陣亡合葬二

塚清明九霄霜月護忠魂都統納木札勒參贊三秦盡節於此

建顯忠祠并御製雙義詩勒石呼鷹盡出桑麻里戲馬閒看

果蘇村鎮撫羌兒高枕臥雙岐銅角聽黃昏

詠螻蟻

蛾子拋時術夤緣苦爲何無泉封任沒不雨穴
空訛路北穿珠巧行逾渡竹多此邦真蟻國可
許夢南柯

洗箔

城東七
十里

當年黠虜逞妖氛眾志堅城義薄雲欲訪黑河
三捷處逢人大樹指將軍將軍兆惠被圍於此
掘得米窖士卒堅壁
以守逆酋施放鳥鎗悉中大樹得鉛丸數萬後
援軍掩至內外夾攻賊眾大潰今樹鎗痕尚在

英吉沙爾

斗大孤城四面開能量千萬斛年來地傳依耐

虛遷國

古依附國

河繞圖書任翦萊

城西圖舒克塔什河

回人賴其水利

萬馬悉從蔥嶺度

西通巴達克山部大小和卓

木由此過嶺

百花今傍柳泉栽

城南柳樹泉花果最盛

羌登衽

席歡無比婁鼓年年鬧古臺

城南十里兆公臺回人四月閒繞臺

歌舞歌

詠園中五雁

西度陽關返從風翼力微寒經蒲海瘴暖逐玉

山暉莫厭銜廬瘦行看飼粃肥氏羌同

化日況是弋人稀

四海心何壯來賓大食城

葉爾羌古稱大食國

徘徊低顧

影嘹唳遠含情陣結秦雲斷行分蜀月驚定知

兵氣盡安集少哀鳴

喜聞川陝大兵告捷

鷹

鳥雀翔空際鋒稜欲墜縑已憑拳有劍何事吻
如刀春老頻憎眼秋空卻見毫此心長捧日萬
里得霜豪

河干採玉

西極崑崙產琳琅貢

紫宸千斤未爲寶一片果何珍
幟颺青雲杪人
喧白水濱情
蘭齊攬拾伯克
競游巡自分澄心
滓還須洗眼塵
琢成和氏璧良璞免沈淪

觀鵬搏狐

羨爾英雄姿
羌中獨來往
摩雲蔥嶺低
拂波蒲
海廣蛟螭入
水搏虎豹出
山攘藐茲狐
狸羣聊
以燠爪掌

獲大白玉

天璞盈鈞重

重三十斤

攜從闢勒東
韞藏山有力

滌蕩水居功未必連城貴由來任土供昔年曾
抵鵲爭識氣如虹

觀回俗賀節

怪道花門節刳羊血濺腥羯雞充幾里婁鼓震

羌庭酋拜摩尼寺

唐書回鶻傳元和二年回紇請於河南府太原府置摩尼

寺許之即

僧喧穆護經

通鑑注大秦穆護釋氏之外教也

火祆

如啖蜜

唐制祠部歲祀磧西州火祆神

石擲信通

靈

輟耕錄回回地年七八十歲老人自願捨身濟衆者絕飲食惟澡身啖蜜經月便溺皆蜜

死則殮以石棺用蜜浸百年後啟封則蜜劑也名木乃伊治人損傷肢體

甲子 歲前十月調參贊大臣

喀什噶爾巡邊

霍雲土雨釀花天默克人家和卓園早是莎車

登衽席更於疏勒樹屏藩

葉爾羌漢莎車國喀什噶爾古疏勒國

邊沙夜淨馬蹄印嶺雪春消雁爪痕憑仗

天戈揮月蝕此邦永覩舊兒孫

布魯特酋長獻鷹馬卻之賦絕句

絡馬韝鷹羨使君使君笑卻意何云穹廬夜不

驚雞犬便是祥麟威鳳羣

喀浪圭卡倫

通安集
延部

不見人煙只見駝一叢田鼠拜荆窠旱旰路趁

經商遠

古旱旰即
今安集延

勃律名傳別種訛

古勃律即
今布魯特

訛名
布露

此日罽帷懸庫露幾年駢酪憶蓬婆磨牛

步步皆陳迹爭比崎嶇厯落多

哀葉爾羌阿奇木阿克伯克二首

玉水冰山戰績存傷心矍鑠老花門獨憐白塚

春原草不及功成一弔魂

葉爾羌陣亡官兵
合葬二塚在城東

束帛牽羊望夕曛憑教祇正慰忠魂渠莎城畔

摩尼寺添箇西濛効順墳

乙丑

巡查各城

山房晚照

觀音閣西高及閣之半名亦足以山房

山房創號奇未審何足以亦似題閒軒如眼不自視知止乃不辱知足差可喜殘照半銜山發省應在此青年若木光回首一彈指无咎貞於吉多譽甚於毀易爲君子謀所務含章美我輩敦古處千里對面比努力崦嵫景幽情遙絃耳

城堞春陰

大樹亭西南隅牆如雉堞上有小樓宛然城市

土堞陰陰雁齒排長風如雨鬧蕭齋從今悟得
風能潤一洗晴空布穀皆

澄碧新秋

亭在水中央
舟橋俱可達

兀坐湖心裏澄澄一水清由來繪天影難得畫
泉聲靜止逾三笑涵空亞四明况逢秋月印何
處不含情

百尺垂虹

澄碧亭前長橋起
伏長十丈以達岸

平湖倒影朱闌干蛺蝶沒空水椿殘螭腰鯨背
跨碧瀾使君屨響游魚觀憶昔普陀持節還繩

橋棧梁難述殫蕪詞竊比酈經看自愧腐儒多
素餐側聞瀚海無險灘崑崙快觀奇峯巒君不
見藍關雪磴嘲迂韓又不見玉門沙幕娛老班
此園池沼足盤桓那須武騎題柱端古來利濟
名不刊

孤舟釣雪

昔聞溯清流餌魚鉤莫上渺茲丈尺水萬斛誠
難放官聲慕梁昆邊策戒任尚瀾予冰雪甌充
君書畫舫

小桃源

知閒覓閒境何如化工閒桃花隨水去自待春風還

望春臺

騎驢覓驢偈迷悟何時了人在春風中卻望高臺表

妙空禪院

畫板爲之遠望如寺

至妙豈能名真空究莫狀刻畫作禪林妙空乃皮相

瓜菜園

種菜悟生理澆瓜息爭機脫手滿園綠不知春
水肥

徠寧城臥遊閣卽事

北牖壺天景丹青筆筆畱夕陽孤塔滿遠岫一
房收臥治才無補遊觀興足侔揮絃頻悵望塞
雁已橫秋

巡阿克蘇城有懷松湘浦將軍

穆蘇南北望峻嶒

聖德如天信可憑豈有含沙能射影由來誤筆
偶成蠅籌邊自用驅山鐸涉世須燃照魅燈安
得比邱施六法口風吹散雪巖冰

烏什城遠眺

百戰經營漫負嵎尉頭幾換古名區泉開楊柳

枝頭水

城南有柳樹泉水自樹孔中流出蓋千百年奇景也

城抱驪龍領

下珠

山勢自東而西蜿蜒如龍西面突起一峯烏什城當其壁

絕國牛羊今

受牧降王雞犬昔全屠

謂賴黑木圖拉之變

叮嚀旌節花

開處長使春暉入畫圖

丙寅

詠乳燕

老燕雙雙四乳肥
夜來齊帶夕陽歸
纖禽解識天倫樂
不肯分巢各自飛

奉

召還都恭紀

天西兀兀守殘暉
許拜

溫綸駟馬歸臺選
身名叨齒錄冠加
孔翠勝牙
緋心清不厭升沈
夢力定能占下上
飛六十猶

癡臣未老年開七秩勉知非

寄別湘浦將軍瘦石參贊四首

郭李同聲世所罕守邊叔子惟輕緩古賢志在
推車行別贈一言勝撲滿

穆蘇天畔玉壺清雅爾山頭夏雪明最是名場

添故事夕陽多處可吾城

喀什噶爾
名徠寧城

風恬月朏無偏側坐鎮香牛通默克漫道壺中
日月長光陰試看磨人墨

檢點巾箱正及瓜歸心勿勿過龍沙何當力挽

滄浪水澆徧西濛旌節花

巢燕去而復返呢喃似作別意

羣離玉鵲與誰徒君子堂前托抱雛小智漫誇
明戊己世閒他事了然無

曉起喃喃教語頻定要秋去返來春誰知燕燕
秋爲客送客還鄉作主人

越邠連山東抵三堡口號

一派霜林近小春荒亭容膝意何親六千沙磧
開顏處得見黃花似故人

苦水驛守風簡哈密成誤庵侍郎

土口截祁連空輪一噫旋輜車輕似羽沙石颺
如綿水絕猶名海風行自信天莫愁平地險說
輓穩於船

自涼州返轡出關馳驛再宿苦水驛

玉門重出感殘年都護

恩綸降自天遙指北庭心膽壯

烏魯木齊在北庭天山之北唐曰

庭州再嘗苦水是甘泉

丁卯

鞏寧城望博克達山

博達神臯擁翠鬟

北天山之中三峯合抱高出羣巒

行人四望

白雲閒

南路土魯番望之在北蘇巴什台望之在東北巴里坤望之在西南烏魯木齊

望之在東南

遙臨地澤千區潤高捧天山一掬慳彌

勒南開晴雪圃

彌勒岱玉山在葉爾羌西南與北山同脈

穆蘇西接

古冰顏

穆蘇爾達巴罕即冰山在伊犁阿克蘇之間亦與此山同脈

鍾靈脈

到伊州伏爲送羣峯度玉關

山至哈密北鹽池山截然而止伏入

戈壁自星星峽過脈東南復出爲嘉峪關內之南祁連山

九日書懷和顏岱雲制軍用陶詩擬古韻

冬雪厲松柏秋霜汰蒲柳盤錯處其常弱植烏
得久不見晚節花誰作晚香友良友淡如水面
朋歡以酒光陰駛駒隙所學期不負剝月號重
陽乃識天心厚爭比空桑流萬事付烏有

通介不改常君子貴有終忠信以爲本此道一
華戎我來祁連北高寒氣增雄紅山繞白水颯
颯來天風天風發人籟豈怕工詩窮努力事筆
硯結交反掌中

大雪書懷和顏岱雲元韻

相彼冀北馬嘶風越祁連駕鼓終利用強於阜
樞捐奔馳天池側踈跼雪山巔垂老湛乃識空
羣歟則憐康莊與阮暫往復天何言一蹶不再
振凡材吾慙焉幽人發深省視其後者鞭

宿松樹塘

蒼松傲雪青霄上六尺方牀對松放清秋月照
松閒雪雪月交光松心壯四時盤錯不改柯天
矯虬龍茁無恙憶自天戈西北指大木斯拔疾
雷將旦旦伐之四十年梁棟盡供都料匠賴有

相傳不朽根迸發孫枝排翠浪不材偃蹇空山
者剝鍊香膏醫俗瘡老松皮厚尺餘取煉之堅
名松齡膏可以療疾
貞木性足千古任爾行人目皮相

題巴里坤南山唐碑

庫舍圖嶺天關壯沙陀瀚海南北障七十二盤
轉翠螺馬首車輪頂踵望高昌昔并兩車師五
世百年名號妄高昌王麴嘉傳至智盛凡
五世百三十四年而滅雉伏
於蒿鼠噍穴驕而無禮不知量唐貞觀時高昌
麴文泰多遇絕
西域朝貢上遣使問狀文泰曰鷹飛於天雉伏
於蒿貓遊於堂鼠噍於穴各得其所豈不能自

生耶上怒遣侯君寒風如刀熱風燒易而無備
集伐之事見唐書

胥淪喪

文泰聞唐兵起謂國人曰唐去我七千

刀熱風如燒安能致大軍乎及聞唐賢哉柱國
兵臨磧石憂懼發疾卒于智盛繼

侯將軍王師堂堂革而當

文泰子智盛卽位刻

侯君集曰天子以高昌無禮故使吾討之今襲
人於墟墓之間非問罪之師也於是鼓行而進
詰朝攻之及午而克智盛
出降遂建碑於巴里坤

吁嗟韓碑已仆段碑

殘猶有姜碑勒青嶂

碑文姜
行本撰
豈知日月霜雪今

一家

先是其國童謠云高昌兵馬如霜雪漢家
兵馬如日月日月照霜雪回首自消滅文

泰捕其初
唱者不得
俯仰騫岑共惆悵

漢張騫碑在伊犁
裴岑碑在巴里坤

上城

過昂吉圖淖爾鹽池

夙沙初煮海粒民五味厭青齊伯圖繼江淮
政添奇哉祁連頂天池珠漾簾停車問野老
野老語安恬此中饒白鹵往來勞一枚輪臺
不淡食萬斛充閭閻官無權稅擾民無私販
嫌售錢斗三十八口溫飽兼予聞野老語斂
容感至誠玉華漉北詔水晶鬪南巖
山南百里名鹽山口產鹽如水晶堅於石
不費煬竈烈更省火井炎地道不愛寶頓教水

石鹹天道施美利絕塞民夷霑敲詩笑東坡三
月食無鹽

九日土魯番送玉達齋還都

番城九日駐旌旄老健心朋此會豪別贈一枝
花晚節天山登後莫登高

雪後下亂山子

遙俯雙城帶夕曛亂峯列施盡冰紋從今識得
天山景雪裏寒煙蕩作雲

已巳

輪臺餞馬行

有序

輪臺都護秩滿例
貢馬數匹在德不
在力也已巳孟春予將東歸遣馬先行
爲賦此詩

天風吹落天山高
天星毓此天馬驕
渥洼西下六千里
大宛異產萬古標
周八駿漢九逸競
說追風更逐日
唐家十驥瀚海來
遠邁秦皇名馬
七我

朝武功萬里
昭輪臺蒲類牧
豐饒

天閑六飛固不少拔尤聊爾充前鑣一馬戴星
一蹋雪一馬青茵一在鐵騮驪皇駁三五駿赭
白桃花疑汗血東野子九方臯權奇逸力空羣
豪豈如幻青知馬性性同君子相獨超相肉鼠
輪方者疾相骨三封要齊一愧予未讀相馬經
憑仗圉人細品隲山毳毳路迢迢禍以餞之騰
雲霄此去錦韉玉勒三品料孰與沙泉雪草凌
寒饗馬兮馬兮駛駢似解語首昂耳卓鳴蕭蕭
庚午

恭翼齋大宗伯饋黃鯛魚

君子養正吉奚事小體養身雖與物遊不復落
物網黃姑婪尾鮮嘉名過鱠鯊雪肪不盈寸嗜
者舍熊掌俗重五侯鯖豪侈爲口爽何如故人
意雙魚可用享

晨粥

止酒信及夢黃庭豈能廉晨興穀氣作聊服舌
下泮人艱儋石儲我富黃白兼浙米并華挹鎗
銷宿火炎摻以鄒氏霜藏府安香黏世味百無

一解徹中邊甜便便腹不負尺宅榮光添氣長
春筍節露上秋禾尖寒熱不因人庸受寒熱疔
兒女憐我老肉飽亦不嫌饘粥樂於是淡泊欺
梅鹽問余遵何道得之張文潛

詠螢火

一點陳根焰中涵剝復機照書庸誤老

司馬札詩青螢

一點光曾誤幾人老

近日卻藏輝巧任稀星亂慵呼小扇

揮宵行誠不拚何必背人飛

膺火纖如粒安能照夜清孤光時黯澹陰燭柱

分明自銜功何補含章覺有情乘時歸大化如
棗亦虛名

追和陶淵明形影神三首元韻

影贈形

吾有待而然雙陸無休時苦逸多往復夢覺難
兼之脫略世所罕混然宛在茲天地塞其體日
中與予期冠簪等泡幻昕夕漫相思恐子無特
操日昃泣漣漣百年駛駒隙消息理勿疑所待
又有待罔雨前致詞

形答影

不悟處陰休舉足一生拙日月麗乎天繼照原
不絕此端彼亦直奚事相愉悅神凝夢想清宴
息暫時別我本無增減嗟子有生滅生滅固有
時幸不因人熱舟行水自搖冰消水不竭繼晷
將沒身莫笑黽行劣

神釋

聖言並乾坤道比楊墨著陰陽不測理楊墨妄
參與鍊形務其粗幻化如影附箇中有真諦聊

爲形影語元牝衆妙門三華有聚處了然大佛
頂圓靈無所住二氏苦相鑿未解天地數全理
盡性人是爲三才具涉世齊易險持身無咎譽
真元抱以靜年華任來去無爲常欣欣無爲徒
懼懼落落與天游何思復何慮

詠梔子花

不愛蘄黃不愛紅禪關色界一時空秋來結得
柔金子慣向人間醫熱風

食蟹

食料由天數不誣偶嘗此味得霜腴丹陽江上

漁家樂太守從無索蟹夫

予守丹陽俗漁家得蟹先以百枚上郡守

然後轉售予償其直以爲利市焉

秦關不識蟹堪茹百計郵傳似羽書

川陝用兵巨賈販活

蟹入連雲棧達軍營

帥幕一餐千戶賦軍中省得匣馱魚

自述

種樹十年計而今綠滿庭自無殘夢續時有異

聞聽謫水窮三幹

江河南幹中幹西南徽外

奇山越

五經

東西南北中山分爲五經見山海經

客塵多不住得住便惺

惺

秋熱

雨樹風亭坐晚涼果然熱似老年強

諺云老健春寒秋後

熱蒸騰月桂花無恙消徹冰壺水不妨直道一

生庸鑄錯小心百事總知常

老子知常則明不知常妄作凶

天

公不靳人清福一點丹心拜夜香

費補之云有士人夜露香

祈天一夕空中語曰上帝憫汝誠何所欲曰願此生衣食粗足逍遙山水間耳神笑曰此上界神仙之樂天之靳惜清福百倍於功名爵祿也汝何能遽得

詠法船

解脫冥門厄超乘大願船放燈般若眼施食梵
王筵此會昉王縉逢人說目連桑乾如可艤生
渡萬靈全

近聞渾河隄決漂沒民居

詠蟬

轉化良非偶時哉飲露清華林共野樹得蔭總
同聲

蜘蛛

喜子依人巧垂絲影許長經綸儲滿腹何事網
羅張

叩頭蟲

此蟲無他能咸賦懲倨慢叩頭總無心頗爲入

耳患

墨客揮犀叩頭蟲能入耳爲患

狗蠅

既同蠅之營更附狗之苟潛毛作卵形噬比匏無口

絡緯

多少農家婦秋窗夜火明倦來停紡績又作促寒聲

蝸

螯人過滿百斯言良足歎固知修樹易但覺省

身難宋嵇含遇蠱賦序云客有戲余者曰諺云過滿百為蠱所螯雖內省不灰而逢此害

遂作賦

中秋玩月

濛中坐嘯倚娑羅葉爾羌節署乃回酋和卓木舊園有娑羅樹大四十圍高

十餘丈相傳有神氣予志影過天山卻冷波魯

載娑羅掛月為十景之一圓滿一輪看此夕光華應

木齊為車師北庭在天山之北地極高寒是

帝城多

易簡齋詩鈔

卷三

三

易簡齋詩鈔卷三終